



09678

蘇魏公文集卷四十七

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重

表

普寧郡王謝哲宗皇帝加恩表

伏以禮行太室普饗帝親之尊命降外朝大封文武之列
顧惟雅弱均荷寵光拜貺踰涯以榮爲懼中謝竊以祭祀
者有國之大事得其道則神靈歆爵祿者勵世之至權當
其功則士民勸屬逢陽館之歲事爰逮端門之布常天表
之應以善祥王言之出爲大號凡在百位皆從享禋自匪
有勞敢冒優渥伏念臣生非殊稟材謝夙成幸分慶於仙
蘇魏公文集卷四十七

志

謝皇太后表

伏以修講上儀推行惠術不問弱齡之陋亟蒙大澤之均
辭寵莫遑拜嘉增惕中謝竊以祭有惠下之義欲貴賤之
悉周爵有等功之名顧重輕而必當矧合宮之大報紆清
蹕之親行自王公洎於庶官有來而相祀雖宗室之霑一

命亦莫不在庭茲蒙渙汗之加是謂承神之貺如臣者以至親受爵以在傅曠官荷鞠育於深宮獲奉承於慈誨方羣后肆覲既虧輯瑞之儀泊四海駿奔亦阻奉璋之禮而乃上同將相並進土田雖朝廷尙親許其尸祿而幼冲加命徒用厚顏此蓋伏遇皇太后殿下盛德在躬至仁及物愛憐諸子皆均壹於仁慈推贊鴻恩欲博施於上下始慙菲質莫稱褒華但勤篤於進修冀不辜於誨育

謝皇太妃牋

皇太妃宮閣淑哲迪躬慈祥成德養殫四海方昭聖孝之隆朝事兩宮益厚教風之首愛均穉弱恩錫光榮敢忘志意之修上副獎提之訓

蘇魏公文集卷四十七

二

祁國公謝哲宗皇帝加恩表

伏以講三歲之親祠道迎景貺眷五宗之近屬均錫龐釐惟是童蒙何勝寵渥中謝竊以宗祀而配上帝所以昭文考之功大賚而富善人所以法周家之訓汜崇盛典茲謂曠儀劔佩列乎羣賢梯航來乎萬國旣得天人之祐遂頒雨露之恩推惠甚優非賢罔預伏念臣年方在齠學未知方但循悅礪之勤阻奉圭璋之助真封廣賦荷加錫於原田需牘再辭終難回於渙汗此蓋伏遇皇帝陛下德侔健順恩被邇遐祭則受福於神靈仁而敦睦於宗族勲賢並建固慙屏翰之良寵祿已盈更荷雲天之澤云何報稱乃副敦褒惟遵保傅之儀仰答君親之賜

謝皇太后表

伏以祭澤疏恩孚號肆覃於海宇國藩增賦徽章不問於
穉蒙拜貺殊優議年豈稱中謝竊以開國之制周人分列
於五侯實封之名唐室等差於千戶逮今賦祿視爵加田
每緣慶賜之行遂有陪敦之數雖云並建於親戚亦將表
顯於勲賢恩典所加官儀尤重伏念臣才微質薄屬近地
親粵自勝衣卽叨賜命衛昭晉穆已同啟於廟封沛易楚
詩尙未從於師訓更被餽神之惠泛增多邑之榮匪以職
勞坐蒙國寵此蓋伏遇皇太后殿下睿慈博愛聖度兼容
親賢而憐無能式彰母道有澤則惠及下深助政經致茲
誤恩曲加葭陋敢不勤修志意靡怠晨昏冀少長之有成
蘇魏公文集卷四十七

思靖共而守位

謝皇太妃牋

皇太妃宮閤儀刑宮壺愛篤王家因大事之熙成贊鴻休
之溥博載循愚薄之稟何預肅雍之陪例沐寵光自慙忝
冒惟勤修於四術期少稱於萬分

大寧郡王冬節賀哲宗皇帝表

伏以周人建子以爲正得天之統唐室稱觴而上壽如日
之昇會聖旦之迎長協陽元之萃祉中賀伏惟皇帝陛下
繼承祖烈熙緝治功體堯舜之性仁恩漸有截法禹湯之
論畧道契何言四氣均和百嘉茂嚮臣聯榮帝胄託屬天
倫來復屆辰共慶光亨之運童蒙寡識敢忘善禱之心

賀太皇太后表

伏以一陽來復爰升君子之亨至性在中首重太元之本
維時純祐允集清躬中賀伏惟太皇太后陛下厚德有容
至仁能愛宅尊南面繼思齋之椒音協治泰辰成保定之
大業茂迎穀旦擁佑丕圖臣越在幼齡叨承愛育允茲逢
吉仰二聖之重光願言揚休祈萬年之永祿

賀皇太后表

伏以孳萌於子首六律以爲陽運化至無當七日之來復
惟天地之大德合春秋之一元中賀伏惟皇太后殿下子
佐帝尊母儀邦教躬服澣濯德茂周南之風情存謙虛道
邁建初之治天正協吉國祉同休臣生長九重愛均諸子
蘇魏公文集卷四十七
竊慶履長之日輒紆獻壽之誠

賀皇太妃牋

伏以灰飛緹室應嶰律之陽生表正候臺驗周圭之景至
與時茂對同國安榮中賀伏惟皇太妃宮閣德蘊嶽柔化
存恭儉儀刑嬪婦居忘修德之勞輔佐宮朝深念進賢之
志漸迎長日永續修齡某屬預天枝親聯子行荷愛憐而
均厚祝休祉以惟勤

咸寧郡王冬節賀哲宗皇帝表

伏以日在北陸晷景至而萬福生斗行右旋天運周而四
時正允屬光華之旦導迎泰定之祥中賀伏惟皇帝陛下
睿德淵沖聖謨日就堯仁舜孝協至治於典墳夏質周文

繼成功於禮樂丕成天序鞏固邦圖臣幼學未通嘉辰預
慶獻履端之頌雖畧於舊儀贊鼎策之祥竚符於萬世

賀太皇太后表

伏以六律正時黃鍾生於仲呂三微治歷卦氣起於中孚
適丁來復之辰仰贊無爲之治中賀伏惟太皇太后陛下
母愛萬方君臨四表乾坤順措國本於治安雷動風行
運神功於語嘿履茲穀旦嚮彼多祥臣託質宗枝承華宮
禁奉觴上壽仰陪亞歲之儀候景延暉願續履長之慶

賀皇太后表

伏以魯臺書物時當南至之辰漢瑄飛灰候應陽生之旦
朝儀亞歲人慶履長中賀伏惟皇太后殿下婦順宮朝母
蘇魏公文集卷四十七
儀寘字勞心曲體藹然東觀之風求賢審官志在周南之
化嘉辰集祉盛德咸宜臣幼未有知恩叨加命內切報親
之念虔傾祝算之誠

賀皇太妃牋

伏以合璧連珠驗初躔於天部撞鐘擊磬動和氣於人聲
復古以還茲辰爲重中賀伏惟皇太妃宮閤位尊啟母慶
襲堯門膺萬乘之承顏允隆孝治致九州之奉養克協親
尊方庶物之含生宜萬靈之來相某聯榮子屬服寵藩封
內深荷德之誠敢效祝年之請

普寧郡王冬節賀哲宗皇帝表

伏以雲物備書占有年之嘉瑞鼓鐘在列謹亞歲之盛儀

羣姓丕冒於至和率土同傾於善禱中賀恭惟皇帝陛下
順天育物稽古守文日就月將益懋緝熙之學陽舒陰慘
不渝消長之期動靜得時福釐來舍臣分輝棣萼託庇宸
居神莢效祥實契聖人之壽祥風應律請宣太史之書

賀太皇太后表

伏以天施復於子冠三統以紀元日景正乎南驗四時之
協序升平盛際遐邇傾心中賀伏惟太皇太后陛下德應
直方施侔博厚臨朝端拱大凝帝載之熙措國居安坐視
天民之阜一陽來復百順攸宜臣托蔭慈仁承顏左右物
成歲美邁時運之維新地久天長祝睿齡之共永

賀皇太后表

蘇魏公文集卷四十七

六

伏以清臺課厯考星度於珠躔緹室飛葭候陽萌於玉琯
繁禱所屆善祝攸同中賀恭惟皇太后殿下柔順積中憂
勤宅志內修陰教不忘警戒之誠上正母儀思繼齋莊之
德書雲納祉視履加祥臣夙荷親憐方閑簡諒幸邁踐長
之慶願增有永之年

賀皇太妃賤

伏以荔出芸生兆新元之化育日中表正迎愛景之舒長
國有盛儀時爲令節中賀恭惟皇太妃宮閣躬循圖史德
茂芝蘭位號愈尊居念滿盈之戒綺紈弗御志有節儉之
風方物產之孳萌宜福基之隆厚某幸聯子育託愛親慈
敢因稱慶之辰更祝維新之祉

祁國公冬節賀哲宗皇帝表

伏以堯庭觀象南面視昴星之中漢厯建正太初當甲子之朔一元肇始四海蒙休中賀恭惟皇帝陛下清明在躬中正履位進德修業志常念於及時誠意正心化以推於治國彝倫攸敘萬壽無疆臣席慶本支叨榮爵土願言遐福等岡陵山阜之崇竊聽賡歌贊元首股肱之喜

賀太皇太后表

伏以天運日南周謹占氛之備君人道長漢隆賀至之儀聲教所同邇遐無外中賀恭惟太皇太后陛下誠明盡性睿智有臨淵嘿九重坐格無爲之化梯航萬國咸歸至治之朝陰陽調和天地輔相臣叨居親息獲侍慈闈撞黃鍾蘇魏公文集卷四十七
七
之宮莫逮八能之士獻瑤池之醴願延萬壽之期

賀皇太后表

伏以緹室飛灰驗元陽之應律觀臺書物占黃祲之爲祥海寓均和宮闈同慶中賀恭惟皇太后殿下徽柔迪德恭順存誠形闈內之教風躬先節儉享天下之至養居極尊崇元和肇新戩穀是荷臣承華帝系託質皇幃願乘來復之亨益介無疆之祉

賀皇太妃賤

伏以日晷極南辨五雲之瑞應斗繩維北兆萬物之豐盈降福孔多由中及外中賀恭惟皇太妃宮閣處躬淑慎履德柔謙慈孝兩全母道隆於萬乘寵榮兼至婦儀著於兩

宮肇履陽元茂膺祉福某質惟蒙稚躬託愛憐敢傾善祝
之誠願介延洪之祚

大寧郡王年節賀哲宗皇帝表

伏以春朝上日青歲首時法駕臨朝受四海之圖籍大庭
肆會設九賓之句臚中賀伏惟皇帝陛下受命昊穹儲神
昭曠爲政以德體宸極之居中守位曰仁順陽和之布令
斂時純嘏允集清躬臣越在穉齡叨塵名數三階有籍莫
陪鴛鷺之行萬壽無疆敢效岡陵之祝

賀太皇太后表

伏以行夏之時斗漸建寅之位立春之日帝臨乘震之司
若聖御天以人爲統中賀伏惟太皇太后陛下至仁溥博
蘇魏公文集卷四十七
厚德直方獨觀萬化之原體乾之行健廣開衆正之路協
泰之彙征肇履三陽丕膺萬壽臣越繇童孺寵拜官封方
元朔之受朝阻陪上列望宸闈而獻祝但罄精衷

賀皇太后表

伏以律中太簇授時允協於人正歲在敦牂居位適符於
炎德慶叢元朔禮備宸庭中賀伏惟皇太后殿下坤德靜
專母儀慈愛自家刑國廣治世之教風求賢審官佐東朝
之德化春陽納祉邦祚延休臣年始佩觿榮叨胙土望九
儀之列未遂斯趨奉萬年之觴徒傾善頌

賀皇太妃牋

伏以履端舉正頒厯象以授人開歲發春布陽和之育物

禮標上日朝舉多儀中賀伏惟皇太妃宮閣柔順積中仁
恩逮下奉兩宮之佐餽克謹婦儀膺萬乘之承顏益隆母
道壽祺肇啟天胙丕延某稚齒無知宸居託愛早受封於
茅土尚阻朝趨將獻壽於椒花徒深懇至

咸寧郡王年節賀哲宗皇帝表

伏以履端於始肇開獻歲之祥維春之祺增茂自天之貺
紀爲令節式舉多儀中賀恭惟皇帝陛下通駿有聲孝思
維則對時育物動植咸遂於生成體仁長人遐邇實均於
富庶順承穀且翁受叢禱臣力僅勝衣心勤獻祝慶從日
益朔復朔以無窮德與時升新又新而彌著

賀太皇太后表

蘇魏公文集卷四十七

九

伏以大鈞播物幹一氣以會於元治歷明時繫萬事而正
其始新陽溥洽介福維多中賀恭惟太皇太后陛下其仁
如天以儉率下廣鴻休於堯緒數法惟時佑駿德於湯孫
世年采永肇履三微之始布宣四氣之和臣屬忝宗親齒
猶穉弱觴稱廣殿阻陪臚甸之儀壽祝南山更續岡陵之
福

賀皇太后表

伏以椒花獻頌前占繁衍之祥柏葉稱觴共祝延長之慶
歡心交集協氣時乘中賀恭惟皇太后殿下翼夏贊商超
任邈如思由義制戚里無過盛之權孝與時兼帝躬歸保
佑之德春陽茲始天祉惟新臣藐在幼齡仰依鴻訓內竊

逢辰之幸敢傾獻壽之誠

賀皇太妃賤

伏以玩占於易爻當乾卦之九三推歷於書氣應林鍾之益一福祥所介禁掖攸先中賀恭惟皇太妃宮閣德協靜專心循恭儉宮庭風偃化蓋自於躬行帝德日躋功實均於母愛履端茲始戩穀是膺某方在穉齡早依慈蔭仰祝絲長之慶冀酬覆育之恩

普寧郡王年節賀哲宗皇帝表

伏以計羣吏之功能若稽於戴禮受四海之圖籍嗣講於漢儀神人協和福祚曼衍中賀恭惟皇帝陛下智勇天錫輝光日新誠致中和民洽好生之德道先敦朴世陶遷善蘇魏公文集卷四十七
十日之風品物同榮慶釐並集臣忝聯棣萼託庇宗藩敢殫傾日之誠仰祝後天之算

賀太皇太后表

伏以春秋謹始之義正次於王大易生物之原帝出乎震三陽交泰萬壽攸同中賀恭惟太皇太后陛下稟濬哲之姿躬儉慈之寶擁佑元聖馴致太平之功奄宅多方已臻富庶之教對時元吉納祉無疆臣襲慶宗支叨榮屏翰荷皇慈之鞠育祈天祚之延洪

賀皇太后表

伏以呂令布和逮兆民而施惠漢宮講禮來萬國之貢珍允屬熙辰翁臻純嘏中賀恭惟皇太后殿下道光聖治性

迪溫恭儼然象服之儀禮繇德稱訓彼女圖之事功以時
修順履端元茂迎釐祚臣生蒙愛育幼被寵榮願傾葵藿
之心冀續岡陵之壽

賀皇太妃牋

伏以獻椒花之頌式重於三正陳白獸之樽方成於九醞
著爲令序允格遐休中賀恭惟皇太妃宮閣履德徽柔秉
心淑慎躬先九御倡陰教以踐修上應四星煥紫垣之明
潤履新之慶介祉維繁某年在舞蒙恩承鞠育仰祝縣長
之算倍傾懇至之誠

祁國公年節賀哲宗皇帝表

伏以奉元養物肇更正歲之端執規司春首運東神之化
蘇魏公文集卷四十七

十一

對時欽若介福紛然中賀恭惟皇帝陛下承丕顯之謨受
穆清之命道格於上下率華裔以同風功軼於古今與皇
王而共貫順履三陽之始茂迎六氣之和臣識昧知方心
勤祝聖輝光其德與歲律以俱新億萬斯年配乾行而彌
久

賀太皇太后表

伏以帝乘震位開春序之先朝斗建寅初首人正之朔旦
歡盈朝野慶集宸闈中賀恭惟太皇太后陛下躬淑聖之
資宅休明之運體乾坤而御世四海來同建氣物以乘時
五躔咸備坐視璿璣之運順迎玉燭之和臣預列宗支方
居童穉式歌且舞願傾祝聖之心俾壽而臧永對自天之

祝

賀皇太后表

伏以天時潛運日當一氣之元人統更新禮重四時之首
順承令序交舉歡儀中賀恭惟皇太后殿下德盛倪天功
深應地關雖化下增隆周道之光長樂居尊崇備漢儀之
奉維時初吉受祉滋多臣日侍寢門親承聖訓茂對三微
之始仰祈萬壽之延

賀皇太妃牋

伏以人統得四時之正厯建夏家春朝受萬國之珍禮崇
漢世述稽舊典備著慶儀中賀恭惟皇太妃宮閣德耀中
洲功光彤管儀刑自內居帝譽四妃之尊均壹爲心得文
蘇魏公文集卷四十七
三十一
王十子之慶荷天之寵受社爰多某榮預宗藩日親宮壺
祝春祺而叅會與天序以俱新

蘇魏公文集卷四十八

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重珉
啟

謝館閣校勘

右某蒙恩充前件職者覆實朝門之禁觀藝非長真名渠
閣之聯饗榮爲甚異恩所被內省奚堪竊惟在昔承平之
隆崇右儒雅之選並建冊府內儲秘文時登翹乂之流以
分緡於類例又擇該通之士以刊正於舛誤至於讎對之
員漸開增置之目取人之路其任攸均逮祥符好文廣鴻
都之書副跡開元故事有麗正之官名中經旣充列職隨
蘇魏公文集卷四十八
一
衆雖弗爲通籍之貴方雜處寫官之間然而啟發篇章竄
定朱墨並資殫洽之蘊是正文字之殊如匪值能誰云稱
選伏念某才性弗敏識致本迂逢辰亨嘉就士閒燕初聞
家訓戒餘力以學文寢誦師言務及時而進德旅從鄉賦
僅策詞科得調三銓從事四府卒因累日之課稍進列卿
之丞刀筆爲勞久奔馳於外吏縑細所志益愧負於初心
希光英俊之游何階榮進之望嚮者禁林爲之列牘朝廷
恤於孤臣料從隨牒之卑收預試言之召愈慙陋學入賦
嚴闈羣公尙蓋其蕪詞假之優署上宰不遺於介善賜以
甄成冒詔綍之平除預書筵之濫綴摩斝編削頓離簿領
之煩躡纓整襟日接閨臺之彥省循其幸遭會有繇此蓋

伏遇某官協贊邦猶主平時論樂烝髦於皇家思致治於
賁文人挾寸長靡聞於棄用士名一藝咸見於獎收是令
眇微亦玷掄柬眷所蒙之已厚期欲報以難輕固當負裘
宿官潛精志業考會字書之誤叅訂於前篇詳求畧錄之
餘更資於新簿冀成鉛槧之効弗累權衡之私

潁州到任謝二府

右某奉勅差知潁州軍州事已於今日赴上訖者久玷
書林驟紆州組去閒就劇旣懼且慙伏念某性本顛侗學
無師法常持是古之論未免詆譏進乏適時之才自甘散
滯荷承平之樂育獲儒館以優容寢厯歲躔亦更事局間
輒謀於私便因請補於外官校中五經之書僅成編目假
蘇魏公文集卷四十八
二千石之守俄被選俞自國而南潁爲善郡長人之寄時
號優恩昔之偃息以作藩莫匪朝廷之舊望豈伊孤進遂
此一麾斯蓋伏遇某官至誠與賢平施稱物贊化鈞之獨
運甄人品之衆流特矜羈拙之蹤見處便安之地誠爲厚
幸庸詎勝言方今民力尙艱邦刑未措屢煩溫詔慎擇守
臣自審庸愚方蒙任使敢不度時所急思職當行察編齊
疾苦之源副君相憂勞之意少收課最上報生成

謝知府密學

右某近者得補汝陰待期江介望封圻而弗遠趨賓闈以
無由矧素荷於知憐但傾懷於夙晤音騰闕禮簡曠成愆
恭承肇屆春陽鎮綬民俗舍棠無訟考履多祥惟簪橐之

巨賢本股肱之同體公權台輔之望衆議翕然弱翁治理之聲上知久矣諒俞音之匪晚佇歸節之傳趨某幸以世契之隆姑託陶成之賜騰裝有日去德采賒願勤遵養之方下副夙宵之禱

謝運使學士

右某去歲使旆過都嘗投謁費逮歸去國輕遠恩門每懷獎與之私茲劇系馳之素此者叨從郡補獲隸使封揆材質之非才加吏文之弗狃惟民師帥之任懼無以稱於選掄賴部刺史之賢固足以振其愚短竊茲循省良用欣榮伏以某官性與道俱才爲世出奧學臻於聖域高論儂於朝端步武中臺久躋清要之地案條近甸暫依詳明之才蘇魏公文集卷四十八

三

謝運使郎中

右某昨被朝俞叨從郡補屬布條之云始思裁牘之未遑不圖信介之來俄拜篋封之辱味言滋溢懷愧則深緬承副計之閑茂擁善祥之助恭以某官敏才經務冲識鄰幾聲震仕途華登郎選早膺朝委已樹政於湖藩俄東上心從贊謀於澤節坐參調燮行集富饒併醜膚使之勞入被近班之寵屬拘官守悵阻風期惟倍保於清襟冀遠符於

贈系

謝集賢相公

右某伏念郡組遐縈久隔門庭之侍台躔委照忽紆簡牘之頒仰荷眷憐居深感畏恭承保綏吉履增集天倪伏以某官鼎棟元臣著龜舊德儀泰階於三象歌巖石於四方筌宰同寅已載股肱之詠乾坤交泰坐凝社稷之功方屬炎歊未遑謁贊伏望上副毗倚精調寢興

回謝集賢相公

右某伏念仰熒煌之座每切於依投拜款密之函曲承於眷記恭審調變元化寶練生經神相是膺天和並集伏以某官道符典則行著儀刑明識以通古今重德以鎮風俗登翼維新之政弼成可久之規四海之瞻久蒙於利澤百蘇魏公文集卷四十八
四
年之化方見於治平候屬商秋地遙賓閣伏惟上爲宗社精調寢興

賀叅政侍郎

右某伏審某官卽拜言綸叅持政柄被恩惟舊聞命胥懽伏以某官鍾粹太和膺期盛旦奮材猷而入用契筌宰以相求立朝盡諒直之誠賦政有將明之効繁機密命昔叅賴於贊襄冢宰近司今薦移於寵任已積彌綸之效允諧中外之心佇進上階永毗至治某素慚懵學最荷深知推轂使前顧重恩之未答守符於外修慶謁以無由

賀樞密諫議

右某伏審某官寵膺制綍進貳天樞凡被眷私舉同扞蹕

伏以某官五辰鍾秀九德兼謨繇大對而結主知歷旬歲而更器任常楊掌誥爲一代之詞宗趙張撥煩居三輔之治最入陪帷幄叅據廟堂誕揚經世之才佇正秉均之拜某荷知惟舊聞命胥權限州組之方拘企賓階之莫及仰依陶冶徒結系馳

賀判府太尉相公

右某伏審某官拜恩典冊加數節旄坐移上相之庭就委三城之鎮翰垣增重震甸均休伏以某官道德元龜朝廷隆棟入則順事於百揆出則宣力於四方勲業冠時忠規簡上嚮自宰樞之均逸暫從輔屏以觀風謝有善君固周邦之相慶虞咨州牧將柔遠以任能繼頌同德之賢久殿蘇魏公文集卷四十八
五
折衝之地藩軍成績已遂請於魚符當展待賢佇再調於鵠鼎某早游翹館久去恩門欣聆前纛之還尙歎行郵之遠限拘州印阻詣賓閣

回提刑度支

右某叨隸使封阻親燕晤敢謂謙光之眷特貽函教之儀銜賜彌深增慚迨甚竊審詳廉之暇益全頤養之方伏惟某官國棟宏姿寶珩粹稟負首公之大節宣應務之劇才暫猷刑章允副寬平之望已聞召旨佇陞要近之聯隆暑向繁高閔尙邈冀精葆衛下慰傾馳

賀安撫侍讀侍郎

右某伏蒙某官光膺中詔出鎮巨藩凡在提封舉深慶

恭以某官嶽符稟秀寶緯生才文窮述作之原識周治亂之體奮揚世美顯服禁塗授將鉞以臨邊疆收豐績侍殿帷而摘句屢告嘉謨懇辭京劇之煩請殿封圻之近憩旌伊始坐閭攸安矧望在於廟堂豈久留於方面佇聆迅召入副疇咨某被顧有年遡風尤切幸隸名於使管阻執贄於賓閱心所嚮翹言非殫究

回知府觀察

右某伏念嚮預朝趨每瞻顏表洎承郡補益遠門隅寢劇遡風之誠罕通執訊之間敢云貴要顧此冗閑紆翰勒以爲儀篤情文而示好言因喜溢固多虛獎之談志以方回乃盡勞謙之意祇循惠好豈廢中藏伏以某官生質粹淳蘇魏公文集卷四十八六才資敏給席公侯之餘慶簡睿聖之深知譽治士倫恩隆戚里廉車命秩誠德位之相先使竹臨民矧政刑之允濟已從詳試卽佇褒遷限封壤之正遙接燕言而未遂願順生經之固少符善祝之勤系慕所深究宣匪逮

賀知府龍圖

右某伏審光膺朝檢出布藩條凡荷眷知舉深抃躍恭惟某官學窮精祕德富誠明繇邇閣之敷經踐禁塗之持橐厯更典領益著謀猷間得請於黼帷遂均休於符守初聆頓節已傳來暮之謠矧在鄰疆竊幸餘輝之庇方修贊禮遠損占書載循喜溢之言第劇欽銜之素封郵雖邇音旨坐遙佇聞召節之頒前慶近樞之拜炎威如熾鈴閣方休

冀眠食以自將副夙宵之所禱

回祥符知縣郎中

右某伏念符守拘縻標顏阻邈徒切逆風之想寢稽染翰之儀遠貶華函曲敦重禮眷此晚生之無似奚堪舊德之相先銜愧自中刻銘罔替伏惟某官士林孤秀朝路通才試政事以甚詳藹聲猷而彌遠郎省時之清望久爾踐揚赤縣國之要官重茲委用已著循良之效行膺顯近之資姑冀護調少副勤企

回同年著作

右某伏審同年著作被諸府之薦能副三銓之覆實拜恩槐陞進秩蘭臺素推應務之才茲實漸磐之始夙叨朋好蘇魏公文集卷四十八竊并榮陞官次坐縻展慶儀而未逮謙搗遠篤紆華幅以爲先展味懿辭欽承重禮但感銜而未足遂藏棄以無忘時方用才日遲登俊永言傾嚮匪假周談

賀留守相公辭太原再領西京

右某伏審某官光被贊書進崇命數推至誠而確讓止褒冊之既行時帖後恩卽移舊府義激周行之次歡騰近甸之間伏以某官奧學際天元功冠世熙帝之載則書敘九德之歌知幾其神則易稱萬夫之望自兩登於魁柄皆弗處於盛名委政廟堂出藩畿甸邦國若否昔賴山甫之將明輔助重輕今繫晉公之出入昨以虞州咨牧漢冊圖勳坐移丞相之庭往殿太原之壤端揆崇秩所以尊師長之

賢尹正重名所以增方鎮之體矧粉榆之故里佇旌蠹之
來歸而相公內樂安閑弗榮寵利亟露章而懇敘務辭爵
以彌堅宸衷爲之動懷朝制因而收汗止拜常山之節還
臨洛宅之都俞命傳聞羣倫懷歎竊謂筌宰相契上方有
舊人共政之求甯縣具瞻下益思大鈞播物之惠雖暫諧
於冲志諒卽被於疇咨三冠鼎槐抑有本朝之故事再開
鑪治將副率土之傾心某早荷甄收方塵郡寄側聽保釐
之始欣依臨照之餘恪守印符莫獲收於慶謁傾馳懇素
姑永托於生成

賀知府龍圖諫議

右某伏審茂膺恩渥易守藩宣伏惟慶慰恭以某官清德
蘇魏公文集卷四十八
藹躬懿文邁古逢會光華之旦回翔清切之塗輟內閣之
論思均侷人之委寄政成惠洽民詠朝者再勞撫俗之仁
來綬近甸佇對馳軺之召亟進通班繼聖世之令猷畢宗
工之能事某忝分州節仰託使封恭聆坐閣之初未遂趨
隅之謁傾依盛德曷諭丹誠

謝二府

右某嚮以忝恩爲郡便日布條循公式以謄書遡台庭而
露懇地有常尊之隔禮無宜答之文豈謂某官牧德至虛
降心小物乘政司之多暇紆記室之報章眷舊甚勤特屈
廟堂之範披文未旣頓生州郡之輝惠賜不訾感銘無盡
恭審內贊邦家之務助宣天地之和六氣茂康百祥叢集

斯文未墜天方降任於哲人至治在辰上且仰成於良輔
敢冀勉遵時令順護生經益副萬樞之毗更增九鼎之固
某限拘使竹坐隔翹材竊深豫附之情永賴陶成之賜

轉官謝二府

右某比者伏蒙制恩特授前官者攸司上課成命下頒進
位甚優省躬斯愧伏念某小才曲藝孤進晚生敘歷朝閔
浸塵儒館懷鉛雖久書未畢於汗青請郡旣行詔遂分於
半竹凡更內外頗涉歲年屬大比之甫期乏寸勞之報最
公朝平施著令應遷擢聯三署之行仍躡左曹之要異恩
所被非服是慚此蓋伏遇某官陶冶百工權衡衆職使士
大夫各稱其任無賢不肖皆用其長心推至公道弗異遠
蘇魏公文集卷四十八

九

轉官謝監司

右某比者叨膺制綽敘進郎曹寵渥所加庸虛靡稱伏念
某天資弗厚學術固疎仕歷朝閔職塵儒館內掌故事於
時無益於毫分出領近麾臨政未聞於善最屬攸司之大
比緣滿歲以應遷增秩甚優冒恩爲愧此蓋伏遇某官澄
清使部振肅治綱羣吏臧否賴案廉而悉上公朝黜陟俟
贊啟而後行非才所蒙其姑繇此但益勤於吏職期不累
於已知

提刑轉運先狀

右某伏審某官差日登車便時行郡冒潦塗而匪易擁茨福以無虧露檄諸城已稟行臺之範屬鞬近次佇修列郡之儀瞻望風徽竊深悚抃

賀運使度支

右某伏審某官內薦制綽出領使權伏惟慶慰恭以某官文懿學純德方氣直夙擅儒林之譽早登郎署之榮司會佐籌朝用富疆之畫近畿案節上咨良直之謨行觀風績之騰聞入副宸庭之顯用某適叨守郡獲事提封第傾賀厦之誠尙阻承顏之願其於欣激曷諭端倪

賀知府侍郎

右某伏審光膺中詔榮鎮巨藩伏惟慶慰恭以某官秀稟蘇魏公文集卷四十八
天元識探道奧早躋榮於顯路自結知於上衷屢分圭竹之咨薦著循良之效撫綏方面坐期風教之凝進拜樞衡式副巖瞻之詠春陽伊始使傳方勤願益保於生經庶遠符於私禱

賀淮南運使

右某伏審顯膺詔檢榮總使權伏惟慶慰恭以某官秀稟天元識探道奧自結宸旒之眷爰陞郎署之華日著聲光屢歷藩宣之委朝資經度總司兵食之饒利毫坐析於江淮風節聳驚於郡邑竚迎褒召別踐顯嚴豈惟協輿議之歸故可展大賢之效某比拘班教尙阻承顏冀順保於生經庶益符於私禱

回侍讀

右某言念奔馳吏職隔濶俊游嚮義雖深親賢未遂豈云
明哲之見顧貺以緘書而示情德盛禮恭有勞謙終吉之
美道同志合推相下不厭之心自惟薄才徒服高誼恭承
綉次於儀典方勤啟發於篇章累朝所行一旦大備自非
精思之敏曷究淵源之來勉冀護調將副咨用區區所禱
喋喋靡宣

回壽州知府到任

右某伏審某官出持使節已署郡條頒仁政以便民聽風
謠之載道矧素推於才譽已詳試於良能諒非瓜戍之期
卽被璽書之寵別躋顯用乃協輿言某叨假使麾幸依鄰
蘇魏公文集卷四十八
壤方竊潤河之蔭遠承占牘之貽欽佩多儀但深於刻著
緬懷懿範深切於系馳姑願珍調少副勤祝

回知府內翰

右某伏以天府浩煩之地任峻時權複門演潤之司職崇
內著側聽恩俞之始實增林蹈之誠恭惟知府內翰與學
輔時懿文華國魁甲多士羽儀盛朝暢風教於近藩備諮
詢於法從龍荒結好生原隰之光輝鼇禁代言增訓辭之
深厚暫勞治劇卽慶登庸敢意眷慈特貽手問荷謙攜之
有素激悚林以逾深願勤道養之方少副傾祈之素

回伴讀郎中

右某伏審趨召節之嚴已修陞見視宸闈之學爰蒞官儀

裁慶問以未遑沫勞緘之猥及載惟謙厚增切悚銘恭以
某官直道被躬純誠許國謹信自任祕溫樹而不言清廉
所高潛郎曹而爲樂國藩初進聖慮攸先式顧老成之風
首膺進讀之任春陽在候燕晤未涯倍冀珍頤用符誠禱
回廬州知府郎中

右某近者使鯨過郡獲修贄見之儀征旆首塗旋槍風期
之遠辱華賤之猥及苟厚意之彌深竊承涓日惟良布條
伊始幸接瓜鄰之末實依河潤之餘恭惟某官植操端方
懷誠譽謬出被藩朝之委入分財計之司聿眷者明均休
近輔矧淮淝之奧壤控南北之通達英節之臨實均於方
任甘棠之愛佇見於詠歌春律載陽晤言正阻倍祈保衛
蘇魏公文集卷四十八

式副企瞻

回鈴轄

右某嚮叨共事幸親談燕之娛俄屬改轅遽帳聲容之別
方深企德猥辱占書竊承衝涉之勞無爽和倪之妙恭以
某官清規格物淑聞藹時早緣眷眷之隆薦領兵防之寄
謀惟可倚講練尤精諒匪俟於終更卽別膺於峻召披風
正遠珍食是祈欽祝之誠旦夕以冀

回郢州知府學士

右某嚮者某官輟蓬山之直紆富水之章聆涓便辰卽署
新政頒春庶俗已騰愷悌之謠講好他邦遽逮緘書之禮
自惟亡狀素辱與游相望隔於封疆馳神劇於歲月恭承

惠好增激感綜竊以某官修性淳明執道深固學術足以表於士類政事足以達於民宜入觀石室之書已大正於訛失出假竹符之守蓋暫試於才猷異時從橐之求當首追鋒之召朋從之分企佇寶勤惟善御於冲和副祝祈於旦暮

上交代職方

右某伏審光膺綸檢就領州章伏惟慶慰恭以某官識量淵淳風猷沈正屢更事任益著聲光薦仰副於朝咨來暫分於州寄自慙前糝得忝交符佇臨滿戍之期並敘與游之舊初炎在候珍食是祈行趨召節之嚴別踐顯塗之峻

二府賀冬

蘇魏公文集

卷四十八

三

右某伏以日御迎長斗繩維北地雷衍畫慶叢陽復之亨鐘鼓布庭儀盛歲元之亞恭惟某官道躋民極德配黃鐘宣曜三階之符叅和六典之職信功順事有若虞之臯夔應變守文則爲我之姚宋適履嘉辰之會方毗至洽之期益介壽祺永扶運祚某限持州節阻奉慶觴僚翹館以馳誠託書筠而寡喻

外任兩省賀冬

右某伏以室瑄升陽臺雲紀瑞輯朝圭而展慶獻紋履以迎長伏惟某官性蘊端方德猷純茂已試大儒之教自結明主之知蕃宣屏翰之勞四方稱誦輔弼疑丞之任匪日登春乘吉日之嘉亨擁祥經而膺厚某限縈州組坐隔賓

軒祝望瞻依倍百常等

鄰郡賀冬

伏以天正開統日晷迎長挺柔荔以應時候飛葭而布琯
伏惟某官躬富才美治稱循良方開吉祿之榮益饗純禧
之茂各糜官次阻敘慶儀但勤致祝之誠莫究傾思之意
其於祝嚮曷旣聲言

二府賀正

右某伏以七始推元三正建朔布典常於王闕會朝貢於
春庭穀旦惟新近司叢祉恭以某官天鍾全德體蹈大方
協期運之休明應階符之炳耀內總三事朝廷以之尊榮
外撫四夷方隅以之底定適屬履端之始允膺畀壽之祥
蘇魏公文集卷四十八
永輔熙平式光才美某守符於外贊謁無階瞻望門牆但
馳誠素

外任兩省賀正

右某伏以履端於始史氏所以正三朝以正次王春秋所
以尊五始矧會得天之數見臨交泰之期恭惟某官直道
體和嘉猷濟衆緣飾真儒之事布宣明正之恩近甸列藩
被仁風之浹洽元正上日開繁履以駢繁乘此春祺行歸
禁路某拘官有守敘慶無階禱嚮瞻依實倍彝等

蘇魏公文集卷四十九

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重刊

啟

謝知制誥

右臣蒙恩授前件職者驟塵清禁仰服華褒才不副時愧
無容處伏以王者審乎出令莫重訓辭儒臣職於代言是
爲華選自百篇之義缺洎七制之主興代有裁成之文形
於播告之指述辭意則貴乎深厚而爾雅語詔冊則欲其
昭毅而和莊象夫揚庭言之文者行之遠演絲成綉體之
大者述之難必資起草之工以贊發中之命右文在旦多
蘇魏公文集卷四十九

士盈朝除書德音如常楊者時不乏言語侍從比朔臯者
未足多光輝簪橐之聯增俊陸康之等繼登茲選未易其
人如某者才非有以絕羣學不足以適道屬少孤之多難
常苦節以自持不辭小官蓋竊逮親之祿入望大利固無
經國之謀幸當路之爲言預復門之試可進登書府涉歷
歲華職有屢遷效無薄最間奉召趨之一節入塵記史之
二星載筆赤墀已玷從官之末著篇黃閣遽膺寵典之優
陞置掖垣典司渙令矧右曹之清秩實先子之嘗僚深愧
飯生復仍故職坐臥敢當於舊位翼成懼棄於後基世掌
絲綸徒竊古人之美習知臺閣誤先寒士之求此蓋伏遇
某官協贊聖辰主平公論士無愚哲咸歸品目之明言有

吁俞素啟上聰之聽是令疎外辱在甄成敢不刻志始終
匪躬朝夕奉遵職禁道無替於守官圖報思恩心不忘於
知已

亳州到任謝二府

右某蒙恩差知前件州已到任上訖者隳官責薄敢辭遠
守之勞易地恩優再竊近藩之寄適由便道遂此布條叨
幸居多悻惶曷已伏念某挺至愚之稟無適用之才頃冒
憲章上孤樂育一麾出守已荷曲成之私六輔陪京遽膺
內徙之寵虔命始臨於位表銜恩豈在於他門此蓋伏蒙
某官推致大中之原輔成至治之極振滯淹以廣賢路靡
有遐遺棄疵眚以盡人材俾其自效良慚懵昧復被甄收
蘇魏公文集卷四十九
二
猥從僻陋之邦寢獲便安之地奉循詔令當官彌念於匪
躬追省愆尤戮力尙期於晚節

亳州到任謝兩省

右某近膺朝命易守輔藩方其蒞事之初屬嬰多故惟是
奏書之緩深愧非儀姑勤企德之誠猶惕負恩之誚伏念
某早由孤宦誤擢近班不職稽違坐鑄西省之籍至仁惻
隱出假東陽之麾郡壤雖遙土風甚媿頒條暇日但思追
省於愆尤去國踰年不幸重罹於憂患旅懷多感榮仕寢
忘豈圖易地之優獲在陪京之列非惟出於遠僻且復便
於私營此蓋某官以直方之道致君以忠恕之心格物外
收棄置使有漸階自慚疵眚之餘未副稱揚之惠寬其罪

晉旣蒙觀過之知勤於吏資敢怠當官之效心之蘄嚮言
豈勝陳

賀昭文僕射相公

右某啟伏審某官筆述聖經書聞宸展言綸誕告秩增左
相之崇白鉉兼華地進東臺之長式彰儒効永化人文恭
以某官生德自天潛心於古立言垂教若稽姬孔之猷熙
載奮庸無媿臯夔之業閔學者之師諄欲聖人之指明間
奉淵謨講詳典籍之奧獨推卓見發明義理之歸甫終汗
簡之功盡革頤門之陋微言之緒復續於當今大道之行
可期於茲世宜服寵嘉之渥進居師長之尊多士是依萬
邦依慶某拘嬰符鑰阻拜門藩涵泳塵編常患迷塗而擿
蘇魏公文集卷四十九

三

埴叅評舊學將期發覆以開明竊抃之誠喻言曷見

回交代資政侍郎

右某啟伏承某官請麾便郡移節近圻尙稽緣鵠之謀再
遂左魚之適顧惟鄙陋夙忝從游慙無告政之能將幸承
顏之便雖嘗奏記已愧後時豈圖公輔之尊曲徇平懷之
體遠紆教尺過有謙摛兩紙八行固親疎而有意一日三
復始藏去以爲榮伏况丹宸虛懷明庭佇告豈止平生之
交義久俟暉冠諒惟遐邇之人心咸思躍冶郊迎有日忻
抃尤深更祈匱薄之餘益厚將綬之祉乃情企嚮臨紙奚
言

回知府經畧密學

右某啟伏審顯膺褒詔進直內樞勳望益高輿情胥慰某
官器能閱博智畧淵通早推望族之華復擅文場之秀踐
揚中外歷試劇煩制閩西陲進拓金湯之固斥疆遐服盡
收冠帶之民躡躡禁密之聯蓋示疇咨之漸方欣異數遽
枉華緘祇認眷私銘藏悃素

回知府內翰

右某伏念邊遠門序第傾企嚮之懷恪守郡條時闕與居
之間敢期隆顧遠辱貽書銜眷良深增慙固甚竊惟劇劇
之裕無爽頤生之和伏以某官時棟上材聖門高第文章
國之經緯德業民之表儀自奮躍於天衢遂簡知於黼座
雍容禁復潤飾王猷不離侍從之聯總治浩穰之地名威
蘇魏公文集卷四十九
四
已振儒效益彰諒匪俟於累朝定進陞於四輔暑躔加畏
賓館尙賒伏冀精調庸副虔禱

回知府內翰

右某伏審某官寵膺朝制正尹都畿以文章侍從之才治
衆大劇煩之地未勞餘力以副具瞻伏惟某官賢業絕人
忠言許國入當三冊之問遂冠四方之豪黼座虛懷待以
公卿之器金波延直演成謨訓之辭上方以吏事而任三
公時皆由選表而登二府今煩俊哲而爲治實賴威名而
鎮時諒匪累朝遂登大任某久遊材館方假州符阻贊謁
於賓閣但馳誠於天邑

回南京權府運使中允

右某此者叨膺制命獲守留京自省庸虛有慚寄任竊念某所憑不厚自視無奇徒用簡編之資漸皆臺閣之選未獨謫籍復敘郊禱閱麗正之圖書再塵儒職委離官之管鑰繼荷恩章矧近府之會衝豈非材之宜據顧惟多幸得在隄封奉行新書敢不悉心於庶務振舉大要方將稟誨於外臺豈謂某官屈使範之威眷明簪之舊日圻千里俯勞臨蒞之煩手札八行先枉勤渠之問披尋辭意銘篆磨心佇趣辦嚴之期卽修謁贄之禮自餘悃款靡俟究宣

回南京通判郎中

右某言念析符南服再越於歲期易地近疆薦叨於恩制適從便道遽此頒條企望藩封竊喜仁鄰之援拘縈官守蘇魏公文集卷四十九
五
無階晤語之期豈謂某官眷舊情深爲謙志篤特遣行人之使首貽累幅之書褒以榮辭茲見相先之範藏之私褚彌敦永好之隆坐阻風徽難宣感悃

回防禦太傅

右某啟伏審胡門覆實文躋科等之優英節超恩秩峻州防之寄宗藩擢秀士論推高竊以國家系本仙源慶流屬籍九族以睦廣帝堯文思之勛半楚而封盛炎漢王公之制寵拜雖緣於世緒褒甄必校於藝能時有卓爾特立之才上副袞然首舉之選恭以某官性資明敏問學該通志外綺純之華躬持韋布之行河間好古樂與諸儒而並遊更生屬辭遂偕羣雋而進拔俄給上方之札高中有司之

程大對危言帝每篇而稱善通侯列爵位不次以加榮匪
惟冠映於懿親固亦輝華於多士某欽聞時譽阻邁夙期
官守攸拘展慶儀而莫逮親賢垂眷枉翰足以先貽載觀
揆操之華但切覲顏之愧無緣燕接益用銘銜

回河東都運諫議

右某啟伏審某官寵膺詔綍進擢諫坡仍留將漕之權且
重撫封之寄素叨眷與竊并鄙悰伏惟某官方正自持清
通不澆早服教忠之訓久彰應務之才贊劇治煩風力稔
聞於臺閣頒條刺郡聲猷夙簡於朝廷惟唐晉之舊墟搃
羌戎之衝地均輸所寄功最荐登坐收制勝之謀就拜褒
賢之典陟天子靜臣之列已峻近班繼大門先德之榮益
蘇魏公文集卷四十九

六

為盛事感意謙光之重不遺棄置之餘首貶賤封過敦禮
範荷明哲久要之契銘著不忘祝公台大用之期傾依有
日乃誠虔企臨紙奚言

回瀛州安撫待制

右某啟伏審某官被發中之詔膺謀帥之權進班禁閣之
游杖鉞瀛關之壤時登雋哲士有輝光伏惟某官以奧學
清文羽儀臺閣以英聲茂實簡在朝廷向自書林之校文
出分漕輓之將命兩淮川陸之會肅抗風稜二史言動之
司旋歸禁從方告猷於帝右復須使於朔陲引鑿運籌薦
修農戰之備鑿門推轂遂有軍帥之求寵加荷橐之聯益
重元戎之寄為光清世襲美德門綏帶寢兵已擅羊公之

譽緇衣善職行歌鄭武之詩某早被眷知久違英晤自聽
撫邊之拜久稽奏記之儀何大雅之謙撝不崇體貌傾並
遊之冗外特貶臧書豈惟荷聲氣之所同抑亦增茂悅之
深慶在於欣激難悉條陳

杭州到任謝二府

右某蒙恩差知前件州已到任上訖者全吳故社寧海雄
藩異時禁近之巨公出爲屏藩何意斥疏之遠跡遂許長
臨適茲賦政之初深愧冒恩之厚伏念某器非閎遠躬負
愆尤絕覬榮塗止期祿食昨罷睢陽之筦入趨魏闕之朝
典領圖書會與諸儒之衆武出入臺省得階邇綴之班聯
會江淮之薦飢煩宵旰之遐慮咨求良木偶擢匪才受命
蘇魏公文集卷四十九

七

飲冰敢自營於私便之官便道卽宣布於上恩方事之叢
以榮爲懼此蓋某官道佐明主德施遠方眷東南隅之民
尙艱粒食擇二千石之吏俾以海邦再省孱虛奚堪責任
敢不上體朝廷之意恪奉詔條拊循家戶之人使安田里
庶幾免過仰副至公

回越州知府大資

右某啟比者叨分朝寄獲假州符惟東南之要衝當熯災
之爲珍宜求宿望出布上恩顧茲蹇躓之餘素乏循良之
譽誤膺咨牧來此長人受命飲冰始夙宵而增惕之官便
道頒條詔以云初伏遇某官暫輟政機出臨藩閫封疆干
里幸依鄰國之光坵冶一陶更貯化工之賜敢謂謙撝之

德特紆款密之書味藻思之彌高但銘丹臆望翹材之甚
邇阻侍清塵感嚮之誠敷陳無盡

回致政太傅侍中

右某伏念假使竹於一方跡靡江海望翹材於千里目斷
雲霄居慙走俗之勞遂闕問安之禮自惟簡息宜取梅尤
豈謂某官陂量兼容台躔委照因燕居之多暇裁尺素以
見貽兩紙八行親枉鍾毫之妙片言一字意踰魯筆之褒
兼聆高蹈之閒固有多祥之集非徒感誦並用欣歡重念
孱虛夙承獎拔離奇爲器曲成特出於化工連蹇違時棄
置自甘於散地悵舊恩之莫報嗟末路之攸拘慕赤松之
遊無階企仰祝大椿之算但極傾馳

蘇魏公文集卷四十九

上西川知府端明侍御

右某伏念辱知素深去德滋久下邦假守顧簿領之攸攈
上館馳誠通記函而殆闕緬惟德履時擁天和伏以某官
道繫斯文名重當世立朝則遷史之載直作鎮則方召之
告猷西南一都已榮後拜之寵左右四輔佇繼緇衣之詩
尙阻趨隅倍祈良食孤羈之迹陶冶是期

上大孝昭文相公

右某啟伏以某官以不時出之才內輔朝政以大丞相之
重躬執親喪伏自倚廬西還衣籥屢變聖上惟同體之義
夙夜注懷士民思造物之仁邇遐延首諒典冊之前降期
鑑治之再開蓋故事本朝之當行況上公虛位而佇復將

兩全於忠孝宜俯就於情文某二紀荷知八年受賜迹留
書館悵去德之踰時恩假州符盡提衡之素惠限茲遙阻
未獲瞻承中心欲陳萬一奚究

回登州知郡司封

右某啟向者某官奏南司之課膺中詔之褒進左曹於省
聯領奧藩於海裔蓋切循良之選受咨端諒之能自承擁
傳之去東居悵拊塵之坐隔懷鉛自窘未遑緘候之儀占
牘不忘首辱惠存之問聆布條之伊始惟善俗之有方政
務多間福基衆厚伏以某官奧學敏識峻節孤風得古人
之清通爲來者之矩矱郡邑之政沛然謠於民言臺閣之
模凜乎肅於朝著方倚直繩之用遽膺半竹之行昔者由
蘇魏公文集卷四十九

九

御史而爲省郎唐官謂之清望出諫官而補郡守漢臣由
而自陳矧惟頌哲之模允協前良之美諒茲出守聊爲外
資詠中和之詩已宣於主澤還顧問之列行奉於帝俞榮
據顯華之途叅爲孤拙之芘適臨歊暑請遠清言願遵御
於氣冲冀冥符於善禱乃情依嚮舐筆奚禪

回宿州知郡郎中

右某啟伏審某官出分使節已布郡條頒仁政以便民聽
風謠之載道矧素推於才譽已詳試於良能諒非瓜戍之
期卽被璽書之寵別躋顯用乃協輿言某素偃聲猷幸依
鄰壤方切餘輝之燭首蒙尺牘之貽仰報謙焉但深悚荷

賀樞密相公

右某伏審某官寵膺制冊入冠樞廷賢哲在朝中外交慶
恭以某官謨資六德道贊九功二紀奮經綸之謨七年當
鈞冶之柄致君之慮達於天淵許國之成貫乎金石庶務
由之清穆百度爲之和平曩由陟岷之哀始正居廬之禮
三年之孝已著於儀刑羣辟之師再符於夢卜惟新大政
原任舊人僉諧元老之尊特重本兵之地山甫文武之顯
式副東求傳說鹽梅之和聿隆瞻望某拘縈使竹阻造賓
墀仰明命之誕揚倍常倫而歡抃

回告諭太保

右某近者伏承某官出諭帝宸之旨循行侯服之遙惟是
末封獲瞻茂範雖喜接辭之便且慙爲禮之疎屬軒旆之
蘇魏公文集卷四十九
十
不留恨風規之遽隔料惟登頓無爽粹和適茲疾置之來
首辱華賤之況謙撝過厚感戢奚勝矧以聖政惟新遣使
以安於列壤時才被選抗旌允副於上心就竣事以還朝
已疇能而被寵清秋伊始閱館正遙冀眠食以自珍慰夙
宵之所禱在於傾嚮靡迨周陳

知府祠部先狀

右某伏審某官榮分漢節出鎮淮藩驅大旆以戒行歷敝
封而甫邇悠塗冒涉諒無爽於履祥近境將迎佇恭投於
典謁乃心所嚮須面殫陳

回觀察太尉

右某近審某官懇請州麾出觀藩政方布便時之治已騰

來暮之謠朝倚值才士論歸美矧屬戚賢之望累更中外
之煩風績素隆柄任伊漸承偃藩之多暇傳占牘之斯來
仍顧鯁生均紆厚禮榮辭見假本由異下之誠高諡所臨
永訂要言之好在於感惕粹乃棕襟當寒律之正嚴諒神
倪之益泰更勤輔養遲對寵嘉區區之心喋喋無喻

回省副

右某言念縈縻廩守隔闕門闌雖傾嚮諡之誠久闕馳郵
之間敢期謙顧遠墜賤封諦味情文交輸幅臆忻承副計
之暇無虧養浩之方恭以某官道本直清志敦恬裕逢辰
奮於才美載世踐於顯華使節觀風宣四方而著效計庭
參畫通九府以收勳諒弗俟於累朝卽列膺於大任炎暉
蘇魏公文集卷四十九

十一

已熾崇館方遙尙冀精調少副詹禱

上陵使相公

右某伏審某官暫違宮闕祇事寢園營萬世固安之撫慰
兩宮哀慕之志恭惟已竣陵域歸止廟堂忘履跋之爲勞
固神明之薦祉伏以某官清寧間氣道德元龜文武憲乎
四方謨猷宣乎九德昨者先皇厭世嗣聖承祧綴衣在庭
首當顧命之屬同軌至會躬案因山之儀方大號之惟新
賴庶綱之有紀熙帝之載邁虞書股肱之歌王功曰勳紀
周人彝鼎之器永光鴻業允副具瞻

回太原經畧相公賀冬

右某啟伏以灰飛氣應歷推天統之元剛長朋來易著乾

陽之始伏惟某官任隆三事望重四朝輟端揆之彌綸布
藩宣之條教簡簡降福慶已協於迎長巖巖具瞻民共歌
於畫一敢期謙德遠貺華賤仰承眷與之私深積悚銘之
素莫遑面敘愈劇心搖

回賀冬

右某伏以珠躔起歷竹律生音斗指子以平時氣萌泉而
任物恭以某官公忠挺操幹敏馳聲適逢會於亨辰將茂
迎於蕃祉限拘麾守阻奉賓儀方結懷芝首蒙華問祇佩
眷勤之意但深悚企之私

蘇魏公文集卷四十九終
蘇魏公文集卷四十九

蘇魏公文集卷五十

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿喬孫廷玉重珉

啟

濠州到任謝二府

右某蒙恩差知前件州已到任上訖者非才尹劇誠不厭於人言有罪出麾復得臨於民政去都不遠便道匪勞初省詔條有慙面目伏念某識無遠大智乏周防誤被宸命使承府治謂諸僚皆朝廷之選故信任而弗疑以兩造非姦慝之人故寬舍而不問豈意吏曹之乖謬致煩詔獄之推窮無由自明分甘重責荷上恩之含垢原所坐之因人蘇魏公文集卷五十

止免一官仍除善郡此蓋某官致君以道用法不私方百度之惟新靡容於曠事或一物之失所每慟於深仁俯矜多難之餘陰有曲成之造迂疎獲譴固宜置散以投閑衰暮貪榮尙爾爲貧而竊祿敢忘內省仰答殊私

滄州到任謝二府

右某蒙恩差知前件州已到任上訖者上盟津之符特寬旣往之咎假滄海之節再荷曲成之私逮此布條徒深嚮德伏念某所憑不厚自知甚明智畧不足以適時宜操修非有以過人者冒塵禁近初以妄言而下遷試守劇繁復緣縱舍而連黜每思薄祜絕意榮塗誠宜置散以投閑姑務省非而責已收還印綬已慚天幸之多擢守藩方抑懼

人言之噴矧茲邊寄匪用次遷顧敗官不職之餘才非其
稱惟振廢起淹之舉恩有所歸此蓋某官心推至公道在
博愛賞刑無濫雖賤微皆軫於哀矜故舊不遺在鄙薄尤
蒙於假借委之善郡慰彼衰年惟堅匪石之心少答在鈞
之賜恩闕千里魂幹九升戀戀之誠云云何及

回運使兵部

右某啟伏審某官露章辭劇剖竹爲藩輟使務於冀方殿
鄉邦於江國主知素厚暫諧臥治之榮士論所歸行聽節
趨之寵眷言屬部帳失餘光方深去德之思忽枉摘華之
貺園函繕禮拜手迹以彌勤大施嚴行望車塵而益遠更
祈良食少緩遐心

蘇魏公文集卷五十

回知郡郎中

右某伏念壤甸相望徽音坐隔雖嘗寓訊未諭馳情遠承
教牘之貽過篤謙摶之意聆風爲慰銜德無忘伏惟某官
生質渾深材資敏邁本閨臺之積譽副州郡之選能師帥
承流已報成於政治朝廷重外方表任於循良願益將頤
佇聞咨擢乃誠所嚮臨啓竅勤

賀禮儀待制

右某伏審某官進膺言綍榮踐禁塗辱與交從竊深慶林
伏惟某官者儒宿望懿行深資逢辰早躡於文科奮藻不
離於經術先帝天飛之日眷注已隆邇英晝訪之游登延
且久近序徧更於典領同時共歎於淹回黼帷動求舊之

思天閣慶登賢之拜內備顧問雍容持橐之榮入告謨猷
旦暮沃心之熟某久睽風晤喜聽咨俞方嬰簿領之勞早
闕緘滕之貢敢圖厚眷先貺華牋雖親疎而禮意均本由
謙重然貴賤而交情見采荷撫循徒深悚戢之懷莫喻傾
輸之素

上致政郎中

右某伏念攫郡鈴之紛擾少曠馳郵瞻燕几之優閑常深
企德緬想興居之暇益臻輔養之和伏惟某官樂道希夷
處躬溫厚早遂冥鴻之志高辭振鷺之羣歸里巷以安躬
推先士望賁邱園而養素用固天倪漸屆熙春尚遙省晤
倍祈保攝式副傾翹

蘇魏公文集卷五十

回提舉著作

右某啟近因首歲嘗寓慶緘尙未徹於省觀忽先紆於翰
尺曲敦禮範備見愛忘矧在州封方承使旨惟奉循之恐
怠賴寬假之已多敢冀謙撝過垂眷獎拜手筆八行之覲
愧荷殊深限淮山千里之遙披承永日更期珍護別佇寵
遷欽企之誠一二奚究

回恩州知府皇城

右某啟近者之藩假道獲款於賓闕折俎飛觴復陪於燕
桁屬迫官期之近不終朋舊之歡去德未幾合符伊始託
善鄰之庇方企於風期裁古史之書先承於惠好且審侍
鈴之多暇允臻泰宇之嘉祥宣布中和已協惟良之譽登

延近密行膺不次之榮適屆春和益緩冲履其於感系未
易殫陳

回冀州知府左藏

右某啟自承榮領使權幸依河潤沈述鮮暇未遑竿牘之
儀謙假過隆首辱賤賸之貺仰循重意載戢丹棕伏惟某
官忠諒承家詩書蘊學稔武名於朝案藹政譽於邊藩鎮
撫外夷方賴折衝之畫光華近著行膺簡在之恩尙阻晤
言倍祈遵養傾依之素鑒寐不忘

回知縣太博謝改官

右某竊承某官上課天官拜恩綸制榮進曲臺之秩益開
近著之班夙忝與游欣聞新渥猥辱書牘之貺曲形謙槩
蘇魏公文集卷五十
四
之隆銜戢於中諭言靡託矧以某官才名夙茂風譽兼優
百里之洽絃歌久彰善治三年而庇績用已被榮褒佇別
對於寵陞乃奮揚於素蘊未期占晤姑罄禱虔

賀新恩先輩

右某啟伏以右文興治盛德撫辰廣求天下之英皆與穀
中之選詔書一下士類四臻承平百年用此數路刈薪之
效而得乎翹楚育材之久而見乎菁莪必須異能以備優
等伏惟先輩學漸聖域文舒國華寢游雋造之林久待弓
旌之聘飄然麗賦嘗親乙夜之觀赫爾榮名高視東堂之
集方聆駿舉俄沐華緘味詞意之稠重增鄙懷之企悚

回舍人

右某伏念跡寄近藩坐企閨臺之彥書傳便驛欣聆金玉之音荷恩眷之稠重慰羈懷之勞吝恭審順綏福履保固天倪伏以某官道探古先學臻典則資嘉猷而悟主發素業以濟時言成絲綸方演筆端之妙禮有沿襲更資緜蕞之精朝倚碩儒日期柄用式臨庾伏正遠賓趨敢冀上爲廟朝精調寢饋

回致政龍圖

右某啟竊審某官通奏中宸請辭近著援大夫傳政之禮慕至人佚老之談矧久踐於禁塗加累藩於戎翰聲猷茂著體力方強遽懷止足之心深伏冲高之度猥承華幅曲謝堅誠雖景企以良勤載銘銜而弗已乃情所嚮臨啟寧蘇魏公文集卷五十

五

回杭州知府待制

右某伏審某官出殿名邦升華內閣暫輟中臺之貳往專方面之權地據上游控全吳之都會兵鈴一道制百粵之襟喉允屬高才式當重寄敢意搗謙之德曲敦求舊之情竚牘爲儀獲親春華之麗藻風期架篤更欣寒柏之後凋感抃兼深敷陳曷喻

任左丞回外任兩制

右某啟比者叨被恩綸擢升省轄才非其稱愧積於中伏念某生質無奇福基甚薄流離多難出入四朝會府複門已玷一時之選遠塗暮景本期三徑之歸詎意僉諧更加

獎擢此蓋某官素推公議每借味言方慙誤寵之優繼辱榮函之貺仰銜眷惠曷勝名言

任右僕射謝前宰相

右某啟比者欽膺朝制擢預宰司惟幾政之倚平豈瑣材之足任辭恩弗獲充位爲慙伏念某識昧大方器非遠用荷四朝之樂育逮二聖之眷知進參管轄之謨殊乏涓埃之補方可退藏於閒燕敢期冒寵於鈞樞不愆不忘素乏胡公之善非勲非舊但懷文本之憂此蓋某官表式斯文衡平多士曲記與游之舊陰推引類之私施及孤愚越叨圖任望平津之東閣莫遂披承覽蕭相之前規徒深景仰方修竿牘遽枉緘滕祇承惠好之思倍深感銘之素

蘇魏公文集卷五十

六

任右僕射回外任兩制

右某啟比者冒恩庭制登職宰鈞重惟衰老之餘猥被咨俞之寵位槐匪稱據莢爲憂某官義篤相先交隆久敬樂贊言綸之出首貽占牘之儀摘藻爲春情與文而俱緝發函如面感將抃以交深祇服謙摛莫殫言論

乞致仕上二府

右某啟伏念某所賦不厚自知甚明少無過人之才累厯清貫晚叨輔政之仁終致煩言自解去於近司尙冒承於異數假真祠之使領就樂土以家居荷全度於大鈞獲保躬於晚歲優閑過甚疾疹彌加膚革不仁固難勝於冠冕桑踰已暮姑待盡於衡茅輒傾肝鬲之誠仰瀆黷疏之聽

可從散秩歸保餘齡伏望某官推惻隱之深仁運代工之
洪造入陪坐論特啟俞音倘緣陶冶之私俾遂邱園之逸
不獨退處閒燕幸終老於士鄉庶幾訪尋巫醫稍扶持於
病質果諧願望實出生成靳嚮之誠夙夕於是

致仕謝二府

右某啟比者拜恩朝綍歸老鄉閭擢孤卿崇貴之官躡舊
相退休之秩寵光踰分感懼交懷伏念某一介儒生四朝
榮遇出入將周於五紀夤緣偶玷於三階鼎足弗強幾覆
鹽梅之實施心已拔尙霑雨露之濡久竊燕安寢成沈痼
視陰愒日每驚疲曳之年苟祿饗榮自愧婆娑之事屢抗
章而告老蒙賜命以曰俞聯禁職於真游獎其歸志返衡
蘇魏公文集卷五十

七

門於京口養此餘齡恩數過優甄成有自此蓋某官代天
化育秉國平均啟沃心而在公進退人而盡禮曲徇孤危
之懇免貽殆辱之譏敢言願棄於人間希蹤前哲姑欲待
終於牖下歸骨先原荷德不貲馳誠無已

回殿前太尉

右某啟伏審顯膺庭告進職殿巖擁新鎮之節旄視上公
之禮秩遠趨嚴召榮拜異恩竊以某官識洞韜鈴學敦詩
禮世服忠勤之節躬兼儒雅之風入則總親校於內庭出
則抗威稜於邊閫勲勞夙著聲益隆輟帥府之閱謀肅
提禁旅陞將壇之重寄密衛宸居方慶寵光遽貽華翰欣
銘兼至敷諭奚殫

回中書侍郎

右某啟比者上閱衰遲詔容退老仰拜遷除之命俯全進退之方企望時賢固慙伯玉之在後重惟恩舊最叨鮑叔之深知已布懇誠具於竿牘豈謂某官情敦雅素義篤始終不忘久要之言薦講平懷之禮尺牘隨天書而並至堂毫與手跡以相輝雖子孺遠權不在自言於長短而孟公隱几率皆有意於親疎姑恨殘骸難勝重貺崢嶸晏歲修湯遙塗無階賓閣之趨但祝生經之衛上符注意下慰具瞻

回殿前太尉

右某啟言念衰遲暮景久辭拱著之榮誕育初辰方切免蘇魏公文集卷五十

懷之念豈謂某官敦修契素講敘彝儀白雪長言借華褒於麗句南辰妙相形善祝於餘齡集鑪薰壽華之芳兼筐帛仙巾之飾義全金石豈輜薄之能勝地隔川塗帳披承之依阻永言佩服姑用傾馳

回中書副閣舍人

右某啟近審榮膺詔檢峻陟詞垣進增近著之光華雅副清衷之簡眷竊以帝王之制煥典冊之文章臺閣之規著雷風之號令鋪張治具鼓舞人羣必資博雅之才共贊幾微之務伏惟某官文高體要識洞淵源以昂霄聳壑之姿副絕類離羣之選紳書史觀風推良直之風持橐從班益盡論思之效方欣明命遽枉勝音獲窺破的之辭深歎湧

泉之思仰銜謙德深激懦衷

回知府待制

右某啟向審易鎮雄藩升華內閣式表循良之效實叅侍從之榮賢業有光僉言惟允某官器能閱博智識淵微踐更要劇之權著見事功之敏囊雖脫穎庖刃發矟擁節分符出則寄蕃宣於巨屏簪筆持橐入則備顧問於邇聯蓋能兼政事文學之科是宜居方伯連帥之任將疇治最別副眷求詎意謙撝遠紆華翰欣銘茲極敷喻奚殫

回校書學士

右某啟近審某官拜命嚴宸枝文中秘輟壁水橋門之望躋蓬山藏室之華絳帳傳經已發韋編之奧青藜坐照正蘇魏公文集卷五十
九
刊蠹簡之訛聊假清塗遂階近著竊慶絲綸之寵遽煩竿牘之儀祇味雄辭深欽高致悵拊塵之未逮徒置袖以無忘感佩之誠敷陳曷喻

回給事

右某啟伏審自蓬閣之上游升瑣闥之要路淵衷圖舊輿議允諧伏惟某官學繼聖門譽偕賢世久次師儒之任益推經行之高鳴玉納言入則侍清閒之燕左符半竹出則宣愷悌之風縈滯有年峻遷特異東臺蕃讀之政出令惟巖西清訪對之謨沃心無間竊聆成命增慰私懷豈期眷顧之勤先枉賤勝之貺出於謙借姑用銘藏

回奉禮宣德

右某啟近審顯膺明命再擢詞科錄成均升遷之恩正司馬論賢之目名實既定資格迷殊矧惟適變之才素擅通論之學考言詢事固嘗超拔於賢關發策決科已復攬收於英毅迨茲寵渥實啟華塗猥煩占牘之儀獲閱栖毫之妙乃誠感抃曷喻名言

回秘書學士

右某啟近者某官簡自上心擢居秘府錯薪刈楚選於眾而拔其尤舐墨和鉛博以文而審其是朝惟籲俊時號得人矧繁素履之賢雅著士評之譽一言合契萬乘改容亟頒芝檢之優恩躋進蘭臺之美職平日育才之地聊刊正於舊文異時迪哲之功佇鋪張於偉績辱榮辭而見及佩蘇魏公文集卷五十

雅眷之不遺感與抃并情非言喻

轉宮保謝宰職

右某啟比者祇恩中詔進秩青宮事出甄成敢盈心抱伏念某所憑不厚微幸實多少也入朝寢竊器名之重老而謝事尙叨祿秩之優適當時制之期仰屬天飛之運大賚四海仁恩溥洽於函生敘進百官寵數特加於舊老逢時有慶服寵增榮此蓋某官夙播大鈞曲全晚節遘風雲之亨會被綸綍之優除一品班崇豈耄昏之宜稱三階路隔思占敘以無由佩服恩私漫馳誠素

回廬州知府舍人

右某啟伏審光膺制詔移鎮淮圻復書殿之清資總兵鈐

之要地寵榮增煥朋舊相權竊以某官夙富宏才少馳敏
譽論經帝學名動公卿之間奮藻詞林職居禁近之要三
已豈淪於直道九遷寧滯於遠途再陟近班仍藩舊治郭
伋之再至所部聊慰兒童望之之雅意本朝豈淹郡吏上
知已久峻召非遙士論傳聞方喜俊賢之進用行人遽至
遠承賤牘之謙撫自顧衰遲何勝眷記炎歊在候披奉未
期冀倍保於寢興庶少符於系詠

回通判都官

右某昨者被命中宸得麾近壤側聆時彥方貳政條匪徒
適求舊之懷兼亦遂依仁之願忽紆華幅邊示遜辭荷曩
眷之未忘刻丹誠而不已伏惟某官富文敏學博識周才
蘇魏公文集卷五十一
始擢秀於上科累試能於劇務郎官清要久更踐履之榮
詔旨寬和叅賴布宣之畫顧慙拙用幸接事聯佇諧親揖
之期併抒傾輸之素

